

corporis, & corpora eorum sunt terra eorum. Et fermentum huius aquæ diuinæ cinis est, qui est fermentum fermenti, Commisce ergo aurum cum auro, id est, aquam cum cinere.

*Effectus
fermenti*

Item Coniunge spiritum cum terra sua dealbata & calce, quod est suum fermentum, tere & confice totum aqua sua, quousq; fermentetur, & fiet, vt pasta fermentata. Nam pastæ fermentum nihil aliud est, quam leuamen de sua natura. Et sic pulueris fermentum, nihil aliud est, quam aurum & argentum sine quibus completiue elixir non peragitur, quia complicans tincturarum & spirituum est. Vnde quod philosophus. Regem nunc vestrum generosum dyadema tretaronatum ab igne honorate.

Decimus gradus dicitur Exaltatio,

Quæ est nostræ magnesiæ dealbatæ ingeniosa nobilitatio, quæ est potissime per spiritus augmentationem terræ sublimationem liquefactionis promotionem elementa rectificata exaltando & ex eis viuificatiue quintam essentiam constituendo.

Vnde Aristoteles. Quando habueris aquam ex aere, aerem ex igne, & ignem ex terra &c. Hæc autem lapis in elementis dicitur finali operatio

tio